

大清會典

火器營

大清會典

火器營

火器營掌印總統大臣一人。於總統大臣內特簡。總統

大臣。於王公領侍衛內大臣都統前鋒統領護軍統領副都統內特簡。無定員。

掌內外火器營之政令。

○選八旗滿洲蒙古兵之習火器者別為營。滿洲

蒙古每佐領下。烏鎗護軍六人。礮甲一人。烏鎗護軍缺出先儘東三省進紹皮及學習行圍奉



旨留京之人坐補。如無此項人。即於本營礮甲養育兵內揀補。礮甲缺出。於本營養育兵間散內揀補。如不及歲。即咨會本分內外以習旗。於驍騎營養育兵間散內揀補。

其藝。設內火器營於城內。外火器營於城外。藍設礮後。內營分鎗礮二營。外營導習鳥鎗。其操演馬步射及各項技藝。各由本營翼長營總等督率訓練。凡遇大閱及點驗軍器。並每年六營合操。外營皆不與。

巡幸則備扈從。

木蘭行圍及巡幸各處。派火器營官三人。兵一百人。扈從。西陵。派火器營官二人。兵五十人。扈從。皆統以翼長一人。凡扈從之翼

長。服黃馬褂。叅領章京。服鑲白邊黃馬褂。護軍校護軍等。服鑲白邊藍馬褂。

○凡火器之屬曰鳥鎗。

內營鳥鎗。鑲黃旗三百二十一。正黃旗三百三

十。正白旗三百二十九。正紅旗二百七十二。鑲白旗三百八。鑲紅旗三百九。正藍旗三百二十。五。鑲藍旗三百二十二。外營如曰子母礮。內營之。又內營礮甲鳥鎗八百八十。

子母礮五。共用則頒其式。

演鳥鎗。有步鎗。有過馬鎗。過馬鎗以三鎗

過二馬為合式。每次演準頭。用鉛子五。樹木牌。以中牌為合式。演礮。樹礮把以百步為率。每十五出中十三出為合式。凡鎗礮。並隨礮之朝天。提鈎板。墊板。風火輪。風火輪架。小梯。穿釘。

木榔頭。木銃子。礮星。輪套。火藥。葫蘆。煥藥。葫蘆。錐針。檯子。鏟子。刮子。錘。鐵銼。木銼。二及斧。鐵鋏。鉗子。皮搭。襖。口袋。礮子匣。墊。氈。礮子口袋。礮衣。龍襖。素襖。油襖。支杆。馬刷子。馱鞍。槽鞍。鞦韆。嚼。韉。唇。攀胸。肚帶。肘棍。過樑。鞍籠。軟鞦。俱十年修理。二十年更換。礮子攬。五年更換。定軍械之制。內營。龍纛十六。素纛十六。龍旗素旗各二百二十四。外營如之。內礮營。龍纛素纛各八。龍旗素旗各四十。龍纛三年更換。龍旗素旗四年更換。內外營帳房二十七。棉甲百有四。梅針箭三萬四千九百。俱用本營生息銀兩隨時修理。盔甲二百九十。撒袋。腰刀各二百九十。弓六千五百十九。海螺三百三十。鉞子箭二萬九千六百九十五。俱官兵自置。

協理事務翼長一人。署翼長營總一人。營總三人。鳥鎗護軍參領四人。俱以內營人員兼充。

筆帖式八人。旗各一人。

掌章奏文移。

內火器營翼長一人。於營總內揀補。署翼長營總一人。

於營總內揀選兼充。營總三人。於鳥鎗護軍參領內揀補。每人各給關防。鳥鎗

護軍參領四人。於副參領內揀補。副鳥鎗護軍參領八

人。於署參領內揀補。管理礮營。署鳥鎗護軍參領十有六人。

於護軍校內揀補。

掌內火器營訓練之事。

○凡內營之訓練以時。內營。每月初二初六十一十六二十一二十六

凡六日習步射。初五初九十五十九二十五二十九凡六日習騎射。初三初四十三十四二十

三二十四。初七初八十七十八二十七二十八凡十二日習各種技藝。初一初十十二二十二

十二三十凡六日比演各種技藝。每年春季操演鳥鎗十次。秋季操演鳥鎗九次。八旗會演鳥

鎗七次。春秋二季演放鉛子各五次。秋季於盧溝橋演礮五日。用子母礮四十。簡派總統

大臣一人前往監視。其中合操會六營者四。每年把儀式。與漢軍火器營同。

秋季。本旗六營合操二次。於本旗教場。兩旗六營合操一次。於兩黃旗教場。八旗六營合操一

次。於仰山窪內。會外營者二。每年春秋二季。內火器營皆入隊。外二營合演鳥鎗

大隊於兩黃旗教場。每季各一次。

大閱。超首隊以列陣。鳴海螺則前進。越九進乃合漢

軍火器營以俱退焉。大閱。鹿角隊漢軍火器營之左右列內火器營

兵八隊。每隊廣三十七丈。左四旗共廣一百四十八丈。右四旗如之。統以總統大臣五人。每翼翼長一人。每旗營總一人。署烏鎗護軍參領一人。副烏鎗護軍參領一人。署烏鎗護軍參領一人。署烏鎗護軍校二十八人。署烏鎗藍翎長烏鎗隊長烏鎗護軍三百二十五人。礮甲六十二人。每旗礮五。小旗二十九。紅旗二。海螺二十。子母礮五。烏鎗二百四十。俟承傳海螺鳴。達於軍陣。乃擊鼓前進。紅旗一麾。鎗礮齊發。鳴金即止。如是九次。每進五丈。共進四十五丈。子母礮放至第七次。進即止。將礮馱載隨行。至第十進。放連環鎗。鳴金三乃止。漢軍藤牌兵舞藤牌畢。火器營兵及漢軍烏鎗營兵。俱出鹿角外排列。統以翼長二人。署烏鎗營總八人。署烏鎗護軍參領八人。副烏鎗

護軍參領八人。署烏鎗護軍參領三十二人。署烏鎗護軍校二百二十四人。署烏鎗藍翎長烏鎗隊長烏鎗護軍二千二百五十二人。放進步連環鎗。俟首隊前鋒護軍營兵進。即皆退回原列處。烏鎗護軍校百十有二人。旗各十四人。內揀選翎。在委署參領。上行走。

掌分轄營衆。烏鎗護軍二千六百四十人。內護軍二人。隊長一百十二人。筆帖式十二人。俱在護軍額內。養育兵九百四十二人。又礮甲八百八十人。係副烏鎗護軍參領官轄。

筆帖式四人。

掌文移。

外火器營翼長一人。署翼長營總一人。營總三人。鳥鎗護軍叅領四人。副鳥鎗護軍叅領八人。署鳥鎗護軍叅領十有六人。其陞補職掌與內營同。

掌外火器營訓練之事。

○凡外營之訓練以時。

外營。每月初一初六十一十六二十一二十六

凡六日習步射。初十二二十三凡三日習騎射。初四初七十四十七二十四二十七凡六日習鳥鎗。初二初五初八十二十五十八二十二二十五二十八凡九日操演大隊小過堂馬上三箭三鎗過馬鎗步下硬弓軟弓舞刀舞鞭舞長鎗騙馬跳馬跳駝攢跤等技。初三初九十三十九二十三二十九凡六日操演小過堂。亦如之。春秋二季演放鉛子各十日。養育兵

及餘丁之未及歲者亦與焉。

養育兵及閒散子弟。選七歲以上十

一歲以下者百人。按期操。會健銳營以習水操。

每年三月初一日起至霜降日止。與健銳營輪替操演戰船。火器營以單日。派翼長或營總一

合章京四合護軍校護軍一百四十六人分翼輪演。再帶領爬桅官校二合爬桅二十人以備閱操。如遇皇帝進宮及巡幸。每月以初三十三二十三凡三日操演。又自初伏日起至末伏止。派參領一人帶領演水軍四十合。交與健銳營自閩省來京之水師一總等。教演水操。

烏鎗護軍校百十有二人。內有虛職花翎在署參領上行走十人。

掌分轄營衆。烏鎗護軍二千六百四十三人。內護軍校一百十二人。藍翎長一百十二人。隊長一百十二人。筆帖式四人。俱在護軍額內。養育兵七百八人。

筆帖式四人。

掌文移。



